

جب سخاوت نظر نظامات مخصوصه سنک تجویز یافته چکی قدرشی ویریلوب بوندن  
 بسقه برشی ویرلیه جک ومدت جزالری تکمیل ایتدکن صکره کافدا موال  
 واملاک و اشباری کندوزینه اعاده اولنه رق تعیین اولمش اولان وکیلار  
 دخی اداره واقعه لرینک محاسباتنی کندوزینه اعطا ایلیه جکلر در

بکرمی سکرنجی ماده نفی ابد بر شخصک دولتجه تعیین اولنان بر محله  
 مؤبدا کوندر یلوب اقامت ایتدیرلمسیدر بو حالده فامیلیا سنک دخی اول محله  
 نقلنی استر ایسه مساعده اولنور

بکرمی طقوزنجی ماده مؤبدا رتبه و مأموریتدن محرومیت جزاسی  
 محرمک فیما بعد دولتجه کرک طوغریدن طوغرییه و کرک التزام طریقیه  
 بیوک و کوجک خدمتده بولمقدن ورتبه و معاشه نائل اولمقدن و نشان طابقدن  
 محروم اولسی و اصحاب رتبه و مأموریتدن ایسه اول امرده رتبه و مأموریت  
 و معاشنک رفع اولمسیدر

اوتوزنجی ماده حققرنده مؤبدا و موقتاً کورک و مؤبدا قلعه بندلک و نفی  
 ابد جزاری حکم اولنانلر سالف الذکر مؤبدا رتبه و مأموریتدن محرومیت  
 جزاسنه مستحق اولور اما موقتاً قلعه بندلک اگر جزای مخصوص اوله رق  
 حکم و تعیین اولمش ایسه بو جزایه مستحق اولان شخص مدت جزاسنده  
 اشبو محرومیت جزاسنه دخی مستحق اولوب مدت جزاسنک تکمیلندن  
 صکره دولتجه اصلاح نفس ایلدیکی تعیین ایدر ایسه طریق و استخدام  
 قابلیتنک اعاده سی جاز اولوب فقط قلعه بندلک مدتی نقدر ایسه نصفی  
 مرتبه سی کچمدکجه اشبو اعاده قابل اوله ماز و اگر کور کدن بدل اوله رق  
 تعیین بیورلش ایسه اولوقت قلعه بندقلنان شخص کورک جزاسنده  
 بولنانلر کبی مؤبدا اشبو رتبه و مأموریتدن محرومیت جزاسند مستحق اولور

اوتوزنجی ماده حقوق مدنیه دن مؤبدا اسقاط جزاسی اولای بکرمی  
 طقوزنجی ماده ده مذکور اولان مؤبدا رتبه و مأموریتدن محرومیت